

# Šukar aljan ki angli-škola




Romani Arli

Förskoleförvaltningen



Göteborgs  
Stad

# Vakti te podžine ki angli-škola?



Te podžina te dža ki angli-škola tano jekh nevo hem interesantno vakti hem tuče hem te čhavorese. Amen nadinamen so ka ovel tumendže šukar hem so o vakti ki angli-škola ka ovel tumendže zanimljivo, sigurno hem so sare ki familjija ka sikljoen but buča. Akate šaj te čitine so amen kotar Geteborg opštinako angli-škola nudina te čhavorese hem tuče.

Te isi tut pučiba šaj uvek te vačere džikasa ko čerela buti ki angli-škola, ja te kontaktirine i služba ki angli-škola.

### **Šukar aljan!**



**Ko [goteborg.se/forskola](http://goteborg.se/forskola)  
šaj te arakhe pobuter  
informacije hem šaj te de  
to mišljenje kotar i  
angli-škola.**



# E čhavorengo siklјovibe hem razvijibe ko fokus

To čhavoro sikljola neve buča ki angli-škola hem razvijinipe adžahar so čheljelapse, čerela buča hem istražini kokri, averencar ki grupa hem barabar e phurederencar. I edukacija ki angli-škola tano temelji kotar džanibaso siklјovibe ko dživdipe. Ki angli-škola dela pe e čhavorese siklјovibe kova stimulirini hem dela izazovija kola isi ko siklјovibaso plani.

Adžahar so čitineja e anglo-školako siklјovibaso plani šaj te dikhe save ciljija hem zadatkija isimen. O siklјovibaso plani isi ko [skolverket.se](http://skolverket.se).



O Jojo umlavi pe šeja avrijalese ko po than.


O dad pozdravini e manušen kola čerena buti ki angli-škola angljeder te džalpse.



O Jojo hala doručak barabar pe amaljencar kola alje porano.



So ka čera avdije? Muzika hem čheljibe ja diso te  
čera hem te bojina? Šaj na primer te račujina, te  
programirina, te sikljava diso andi priroda ja te čera  
jekh raketa? Ja bi ovel interesantno te roda hari  
so isi akate uzal? Po hari, po hari alo vakti te ha o  
ručko.



R





Palo ručko avela o odmor. I Abis sovela hari. Disave avera čavore šunena jekh paramiz.





Palo odova alo o vakti čheljibase kuri šaj te dikhe so isi ko dvorište ja te čere diso zabavno andre sar, ko primer, te čere diso kotar disavo reciklirimo materijali, te čitine dijekh knjiga ja te glumine.

Amen haja užina hem čhelamđe dži o vakti te džamđe čhere.

## Zabavno, sigurno hem pherdo sikljeviba

Ki angli-škola o čavore dobinena nega hem amen sarađujina tuva te šaj to čavoro te osetinipe sigurno amencar. Akate o čhave dobinena podrška te razvijinen pe zavisno ando oljenge potrebe. Ko jekh zabavno način iskoristina oljengi radoznalost hem i želja te sikljon. E čavorenge interesovanja, mislibe hem potrebe utičinena ko odova sar amen planirina o sikljevibe.



O Mile obično stajini ko drumo dži ki angli-škola hem dikhela sar gradini pe nevi sala za fizičko. Sar čerela i dizalica? Soj odova so khuvela? But tano interesantno uduri, phenela o Mile pe amaljendže ked čedena pe.

I angli-škola nakhela uzo gradilište adžahar te šaj sa o čhave te dikhen. Ko drumo napalal slikevina razna zgrade hem jekha nemirno mačka. On čedena zanimljivo materijali kotar priroda.

**Akana ka  
gradina amare  
čhera.  
Ka ovel jekh  
bari diz!**



Ked i Abis podžija ki angli-škola hine olaki daj  
ko početko ola hem dikhela hine kobor hine  
lače zabavno ki kupa pe neve amaljencar.  
Osetija pe sigurno keda dikhla sar o  
manuša kola čerena buti uduri inspirišinena,  
ohrabrinena hem zorjačerena e čhave. Akava  
tano jekh šukar start te haljove sar dičhona o  
dive ki angli-škola hem te pendžare e manušen  
kola čerena buti uduri.



## **Keda to čhavo počmini ki angli-škola**

Šaj te ovel but nezgodno te ačhave te čhave džikase averese prvo puti. Odoljese i angli-škola počini adžahar so čerela pe jekh introdukcija hem tuče hem te čhavese.

Ki odija introdukcija, tu šaj te puče e manušen kola čerena buti uduri hem te phene so valjani te čhavorese. Ki kupa rodena so isi hem otkrinena so isi uzi angli-škola, ama hem pendžarena pošukar sar e manušen kola čerena buti uduri adžahar hem neve amaljen.

## **Amen razvijina i angli-škola ki kupa**

O manuša kola čerena buti ki angli-škola paše sarađujinena tuva. Ko akava način to čhavoro dobini šukar nega hem šajipe te razvijini pe baš sar so to čhavoro rodelo. Amen nudina muabeti kotar razvijibe (utvecklingssamtal) kuri tumencar vačera sar toklo čhavoro osetini pe akate, save potrebe isilje, ando oljeso napredak hem sikklovibe. Isi pana disave situacije hem forumija dialogese kola dena tut šajipe te učestvujine.

Svako berš šaj te odgovorine ki jekh anketa kuri isi pučiba ando to mišljenje andi angli-škola. Teklje odgovorija pomožinena amen te ova pošukar hem te bajračera amari buti.

## **Sa o čhavore isiljen ista prava**

Sa o čhavore isiljen pravo ki jekh sredina kuri osetinena pe sigurno hem stimulisano, kuri nane diskriminacija hem ponižavajućo ponašibe. Amen čera aktivno buti, svako čhavoro te ovelje jekh prava hem te na ovel nisavo ponižavajuće forme. Vačer džikasa ko čerela buti ki angli-škola te mangeja te džane pobuter ando odova sar amen čera buti ko čhavorenge pravija hem ando UN-konvencija ando čhavorenge pravija.

## **Zainteresimo ando anglo-škole uzo tute?**

Da lji alo o vakti te birine jekh angli-škola? Ko [goteborg.se/forskola](http://goteborg.se/forskola) šaj te arakhe informacije hem kontakt ando sa o anglo-škole ki Geteborg. Disave šaj te vičine tut ko sastanke kuri dena pe informacije, averen šaj tu te vičine hem te zakazine te dža te dikhe. Amen ka ova but bahtalje te vičijammen!



## O than ki angli-škola

- Keda to čavoro pherdža jekh berš, šaj te džal ki angli-škola dži tu čereja buti ja studirineja.
- Te ljeljan te roditeljenga slobodna dive (föräldraledig) a isi tut pana jekh čavoro, to čavoro šaj te džal ki angli-škola 15 satija ko kurko. Ako rodeja buti, šaj te birine da lji mangeja to čavoro te džal ki angli-škola 15 ja 25 satija ko kurko. I angli-škola odlučini sar o vakti kova tu birijan ka rasporedini pe ko kurko.
- Ando masek avgust ko berš keda to čavoro pherela 3 berš, o čavoro isilje pravo ki angli-škola 15 satija ko kurko, biparengo. Sa prekalo 15 sati platineja tu kokri.
- Ando jeseneso termini, ko berš keda to čavoro pherela 6 berš tani i škola obavezno. Tegani o čavoro počini te džal ko anglo-školako razred ki osnovno škola.

Arakh angli-škola hem rode o than ko [goteborg.se/forskola](http://goteborg.se/forskola)

## Avera pedagoška buča

Pedagoško nega tani jekh alternativa e anglo-školače. Jekh osoba koja pazini e čavore diveste vični pe Dagbarnvårdare. Oj ljela nekobor čavore čhere koro peste. Odija osoba hem o čavore čedena pe podjekh puti avrial ja ko grupako lokali. Isto anglo-školako sikljobasno plani važni hem oljendže.

## I Predskola i phravdi

Keda to chsvo pochminela ki predskola valajni te popuninen i shema ki aplikacija IST Home Skola. I shema ka sikavol o vreme keda te chaveske i porebno te ovol ki predshkola, zavisno taro tlo rabotno vreme hem plus o putuiba. E chavengiri shema zavinela kotar e predskolakoro vreme keda i phravdo hem e personaleskoro rabotno vreme. Te isi tut potreba te promenire i shema shaj te kere odova ki aplikacija ili ka obavestine i predsola pismeno, najharica duj kurke angleder. O privremeno promene ki shema shaj te kerenzes jek dive angleder.

## Ograničimo ked hijam phravde

Nilajese o anglo-škole isiljen ograničimo bučako vakti. Te teklije čavorese valjani nega ko akava period, isi nekobor anglo-škole kola tane phravde nilajese.

Te šaj o manuša kola čerena buti ko anglo-škole te dobinen zajednička dive kuri šaj pobuter te sikljon andi pi buti, o anglo-škole isiljen nekobor esavke studiribase-dive ko berš. Ako nane tu šajipe te ove slobodno ko akala studiribase-dive, isi šajipe te dža ki aver zabaviše, ama na te ovel but than uduri.

Akate šaj te arakhe aktuelna rasputstija hem studiribase-dive (studiedagar): [goteborg.se/forskola](http://goteborg.se/forskola).

## Amen dokumentujina

O tekstija, o slike, o audio-video snimka pomožinena amen te dokumentujina hem te dikha sar džala e čavorengo razvijibe hem sikljovibe. Esavki dokumentacija dela amen šajipe e arakha so odova so džangavi e čavoreso interes hem sar on sikljona ko razna situacije. Akava pomožinimen te formirina hem bajračera i edukacija.



Ki angli-škola isi slike ko zidija. Ked o Jojo hem oljese amala istražinena, čerena buča hem sikljenena, mangena o vaspitačija te slikinen sar džala. O Jojo mothovi o slike pe amaljendže hem e roditeljendže, te mothovi kober zabavno hinljendže hem kober interesantna buča on siklijile.

## **Unikum**

Unikum i jek aplikacija kote so shaj te pratine te chave svako dive so kerela., o razvoj hem sikljoviba ki predsola.Ko Unikum isi dokumentija hem vazno informacije kotari predskola.Le kotar o App Store ili Google Play.Tu shaj isto te kuve ko webb [start.unikum.net](http://start.unikum.net)



## **O obrokja – i jek kotor kotaro sikljoviba**

Ki predskola o obrokja i jek kotor kotari nega hem o pedagogshko keriba buti. Svako dive servirinelapes doruchek , ruchko hem uzina.O obrokja i sostavme otpilike 70 procent kotari dnevno potreba, te haljapes sa o obrokja. Ko Göteborgs Stad keraja buti ekoloshko e haibaja.O ekoloshko haiba i bazirime ko eko-oznachime hem sezonsko sirovine kola so i bogato zarzavatencar hem legumia. Dali i potrebno te chaveske specialno haiba? Tegani valjani te popunine o formulari so isi ki e predskolkari webbstrana.

## **Zabranime o orašasta plodja hem o kikiriki**

Ki angli-škola tano zabranimo te anel pe ja te servirini pe orašasta plodja, kikiriki, bademja hem susam. Odova sose on šaj te izazovinen ozbiljna alergije ko okoljende kola isiljen alergije. I zabrana važni ande hem avrijal ko anglo-škole, svako dive hem sa o dive ko kurko.

## **Te toklo čhavoro nabormo**

O čhavore mora te oven saste te šaj te čheljenpse hem te oven averencar ko razna aktivitetija. Te na naborsaljon, ičeri pe i angli-škola o instrukcije kola dije o Västra Götalandsregionen, hygiensjuk-sköterska i förskolan (HYFS).

## To čavoro valjani te ačhol čhere:

- Keda to čavoro tano čhindo hem ked nanelje zoraljipe te ovel ko angle-školake aktivitetija.
- Keda o čavoro isilje temperatura. O čavoro valjani te ovel bizo temperatura jekh dive anglijeder te ačhavalje ki angli-škola.
- Keda o čavoro isilje disavo zarazno nabormipe. Sar ko primer: upala ko krlo kova na sascari pe ja kova hine sascardo pohari ando duj dive.
- Keda o čavoro isilje infektirimi rana ja ekcemi kova tano panjalo. O čavoro šaj te irini ki angli-škola ked i rana šučili.
- Keda e čavore dukhala o vodži plus čhadela ja isilje dijareja. O čavoro šaj te irini ki angli-škola ked halja normalno hem na čadlja ko palune 48 satija.



## **Podrška hem savet**

Ki angli-škola sa o čavore isiljen šajipe te razvijinen pe hem te osetinen pe šukar. Amen sarađujina e specijalna pedagogencar, logopedencar hem psihologencar. Te džane so te čavorese valjani posebno pomožibe, pisin ando odova ko formulari ked rodeja than.

I angli-škola sarađujini hem e Čavorenge sastipasa, Socijalno služba, Biblioteka, Osnovna škola hem avera organizacije kola isilje kontakt e čavorencar hem e organizacijencar.

I Geteborg komuna hem o regioni Västra Götaland nudinena e roditeljendže podrška hem inspiracija. Sar ko primer, čedipe avere roditeljencar ja te rese jekhe socionome kova dela savetija. Dikh so ando odova isi othe kuri tu bešeja ko [goteborg.se/foraldrastod](http://goteborg.se/foraldrastod).

## **Zavet čutibaso hem obaveza te prijavine**


Sarine kola čerena buti ki angli-škola isiljen čutibaso zavet kova značini so našti te den o personalna informacije ando to čavoro džikase ko nanelje pravo ko odova. On isiljen hem obaveza te prijavinen diso premalo zakon ando socijalno služba. Odova značini so sarine kola čerena buti e čavorencar hem e ternencar isiljen obaveza direktno te prijavinen ki socijala te ki bi buti saznajindže ja sumnjinena so o čavoro doživini diso lošno.

## **Sa o čavore tane osigurime**

Sa o čavore ja o učenikja ko škole kola tane prijavime ki Geteborg tane osigurime ako bi ovela dijekh nezgoda hem odova celo dive dži kote isiljen 17 berš, ja dži kote džana ki srednjo škola. O osiguranje važni samo ko nezgode. Pobuter ando čavorenge hem e učenikongo osiguranje šaj te čitine ko [goteborg.se/forskola](http://goteborg.se/forskola).


## **Platibe i angli-škola**


Svako masek platineja tu jekh suma e thanese ki angli-škola. Kobar but ka platine zavisini andi čheresi ukupno ekonomija. Tu šaj te prijchine ja te promine o informacije andi ekonomija, a hem te dikhe sar amen račujina ko [goteborg.se/forskola](http://goteborg.se/forskola).



## Predskolakiri administracija

E predskolakiri administracija i odgovorno otprilike 360 komunalno predskolenge, 40 familijarno detsko gradinke hem 21 phravde predshkole otprilike 25 000 chavenge ko Göteborg. I predskolsko administracija isto i odgovorno bashi o nadzor e nezavisno hem familijarno chavengere gradinke. Totalno kerena buti otprilike 8 900 sorabotnikija ki predskolsko administracija.





## Isi tut Iji pučiba?

Kontaktirin e angli-školaki služba

Vakti ked šaj te vičine ko telefoni: pondaniko-paraštuj 8-16.30

Telefon: 031-365 09 60

E-pošta: [forskoleservice@forskola.goteborg.se](mailto:forskoleservice@forskola.goteborg.se)

Geteborg komunako kontakt-centar

Akate šaj te dobine pomoć ko pobuter čhibja.

Telefon: 031-365 00 00

Ko [goteborg.se/forskola](http://goteborg.se/forskola) šaj te arakhe pobuter informacije hem šaj te vačere amendže tekije zapažanja.

